



09663

招隱寺記蹟一

玉蓋在招隱山唐李衛公寄沈大夫詩云玉蓋

天中樹金閨昔共窺落英閒舞雪密葉乍低帷

舊賞煙霄遠前歡歲月移今來想顏色還似憶

瓊枝注此花吳人不識因予嘗玩乃得此名內

苑沈大夫閣前有此花每花落空中回旋久之

方積庭砌大夫草詔之暇賞邀予同賞宋蔡寬

夫詩話載此詩云碑今裂爲四段在通判廳中

而招隱無復此花矣按周文忠公必大玉蓋辨

無夢園集

千四

一 招隱寺記蹟

證跋語云唐人甚重玉蓋故唐昌觀集賢院翰

林院皆有之皆非凡境也往因親舊自鎮江招

隱來遠致一本條蔓如荼蘼冬凋春茂拓葉紫

莖再歲始着花久當成樹花苞初甚微經月漸

大暮春出入鬚如冰絲上綴金粟花心復有碧

筩狀類膽瓶其中別抽一英出衆鬚上散爲十

餘蕊猶刻玉然玉蓋之名乃在於此羣芳所未

有也宋子京筆記維揚后土廟有花色正白曰

玉蓋劉原甫移瓊花詩序云瓊花別號八仙花

或謂李衛公所賦玉葉卽此宋敏求春明退朝錄后土廟瓊花或云自唐所植卽衛公所謂玉蓋三公博洽無比不知何故疑爲瓊花惟劉夢得雪蓋瓊絲之句最爲中的又曾端伯高齋詩話廬陵段謙叔有楊汝士與白廿二帖云唐昌玉蓋以少故見貴耳自來江南山山有之土人取以柴事不甚惜也則知瑒花爲玉蓋無疑洪景廬容齋隨筆玉蓋今瑒花又名米囊黃魯直易爲山礬者在江東彌山亘野而唐昌所產至

無夢園集

千四

二

招隱寺記讀

於神女下遊折花而去以踐玉峯之期是不特土俗罕見雖神仙亦不識也止因好事者僞作唐人帖故二公皆信之所謂信耳而不信目也今按蔡寬夫謂招隱無復此花然近年乾元萬壽宮住持余孟實自招隱山移此花植於宮前花圃時紫泉馬克復有詩里人龔理子中次其韻然則招隱未嘗無此花也

招隱寺在城西南七里招隱山宋景平元年曇度禪師所創卽戴顓隱居之地見梁晉安王綱

剎銘又云顓始至京口常居竹林其後築館此  
山梁昭明太子嘗讀書於此元俞用中碑曰戴  
顓女捨宅爲院昭明石案尚存寺有石井傳爲  
昭明所開珍珠泉及亭李迪構虎跑泉鹿跑泉  
唐學士蔣防爲記玉蓋花李沈二公所賦及宋  
人題詠玉蓋亭岳珂有詩又有唐宋諸賢題詠  
石刻正統中遷于鶴林寺米芾南宋戴顓高士  
記斷碑米元章書增華閣萬松關李迪創

唐兵部員外郎李約曾佐李庶人錡浙西幕約

無夢園集

千四

三

招隱寺記續

初至金陵於錡坐上屢贊招隱寺標致一日庶  
人宴於寺中明日謂約曰嘗聞誇招隱寺昨遊  
宴細看何殊州中李笑曰其所賞者疎野耳若  
遠山將翠幕遶古松用絲物裹腥膻浣鹿跑泉  
音樂比山雞聲此則實不如在叔父大廳也庶  
人大笑

王麟洲世懋遊招隱記云南折數百步入山麓  
間田疇相望舍桃錯植已循一大樹行可五里  
許則兩山對削中厓容徑徑稍紆盤漸入深窅

余從輿中望見山從面起迴抱逕絕乃招隱寺  
勝旁出林間觀銀杏樹婆娑竒甚相與蔭其下  
圍抱竟五人寺僧云是齊梁以前物意且千年  
矣從大樹稍折而東南觀虎跑泉泉滙爲二池  
有亭界其間池之外爲流觴數曲池之溢而出  
山處也又稍左而上爲鹿跑泉泉視虎跑稍清  
而據地特勝其亭後臨泉前視大江浸漫若湖  
度嶺稍下爲招隱洞陟頂四望則金焦諸山培  
壘並出矣稍下並崖而行得所謂招隱洞者洞

可坐廿許人其他以洞名者無慮六七所顏王  
蓋等名及磨崖字讀之皆弘正間人筆耳

郡守許國誠記云郡之南十里許有獸窟山劉  
宋處士戴顓隱焉故其山之寺名招隱考南史  
顓世居剡中又徙京口常居竹林其後築館此  
山文帝每欲見之至謂東巡之日當宴戴公山  
下卽其地也元俞用中碑云戴顓女捨宅爲院  
後誓志于此山之東南因以磨笄名山及梁昭  
明太子亦嘗讀書于此今石案猶存而寺則自

宋景平元年曇度禪師始創也寺北有珍珠泉  
西有鹿跑虎跑二泉而虎跑之泉有龍嘴噴出  
引爲流觴曲水稍進舊有玉蓋亭岳珂題咏而  
衛公有詩刻之石按志玉蓋再歲始着花出鬚  
如冰絲上綴金粟花心類膽瓶中別抽一英出  
衆鬚上散爲十餘蓋猶刻玉然故劉夢得有雪  
蓋瓊絲之句世傳神女下遊折花而去以踐玉  
峯之期蓋仙品也蔡寬夫謂招隱無復此花而  
亭因以廢余偶暇登覽曲徑紆迴蒼莽盤桓山  
前有古隱坊始以入寺環山懷抱四旁羅密真  
高隱巖扉也因觀鹿跑虎跑二泉中間頗宏敞  
登其麓高幾丈許一覽之兩山開抱若拱若揖  
中襟大江若帶遂捐俸鳩工鑿山築堂其間改  
其寺之額曰鹿泉寺改其泉上之亭曰觀泉而  
堂則扁之曰玉蓋仙踪冀其復有此花以寓思  
也

郡人曹慎記曰吾潤江山之勝甲于東南城南  
十里得招隱焉地遐以僻林莽蒼夔自郭之野

平綠被隴道夾喬木秀穉撲眉睫伏沅淙淙鳴  
草下紆迴曲折途窮而寺見舍桃千章燦然若  
錦殿外兩泉其一爲虎跑石鑿龍口以竇泉乳  
晝夜噴震作雪湧狀引而曲之做蘭亭爲流觴  
其一爲鹿跑渟清澄澈可數顛髮昔人登太嶽  
尚謂山羸水詘此山數武內雙泉泠泠兩亭如  
翼其不强人意乎方丈後古松藂茂蒼鱗駁犖  
號萬松關山巔龍嵒峭拔巖洞窈曲俯首而入  
玉蓋下垂如墜授几席可憇可飲洞口碧梧被

無夢園集

千四

六

招隱寺記蹟

之薜蘿綴之青蘚環周綠綉蔥蔚使棲霞餐玉  
者值此不以爲玄都洞室耶

郡人鄔紳記曰寺自門廡臺榭橋梁樓閣悉皆  
蕪沒頃猶及見所謂萬松關者往往牛羊外來  
魑魅羣行荆棘蓊莽遍滿巖谷其東北有寺曰  
鶴林舊爲寺之下院今顧稅其地以自贍征租  
索賦殆無虛日爲主僧者力不支席未暇暖輒  
逃去而正讓者毘陵惠山僧也其人頗聰明悅  
禪味適來主寺前太守巽峯林公實倡之至是

煥然一新見者改觀矣

郡守林華記云乙巳仲春閏月既望林子與寅友挈榼携琴復遊招隱山山有亭翼然臨于寒泉之上泉自亭穿崖而下川源出焉於是探石洞之雲巢沿迴巒之盤谷登昭明之書臺反而鼓琴歌咏其間泉聲泠泠與絃相應和諸君曰美哉泉乎清且漣漪林子舍琴鏗然而作喟然而歎曰斯夫子之所謂逝者如斯者乎遂以如

斯名其亭

今改爲觀泉亭

無夢園集

千四

七

招隱寺記請



招隱寺記蹟

毘盧寶閣

陳永年書

原名鹿泉寺

郡居士團禾建

招隱東南

曲磴蜿蜒少去數武有石洞者五又東一石屏屹立上書梁昭明太子讀書處

過一

峽羣峰羅列爲迴龍山爲八公洞山勢東抵練湖而盡也

正殿南鹿跑泉方池亭上有石勒鹿跑泉一座前一圓池受兩崖水今廢

無夢園集

千四

八

招隱寺記蹟

虎跑泉碑

宋隱士戴顓高臥處

觀泉亭

泉亭下石甃方池有石龍

噴水下至橋流觴九折石橋下遶山而出遠至

大江匝樹千株蕭爽可愛而銀杏一株大數圍

在正殿右

劉乾賦跋云此寺在潤州之南堀水深山秀烟

霞澗毛皆不凡予官京口恒企慕之辛丑初秋

始得遊之而作賦

修造記至正庚寅重修記鄔紳南徐福地成化甲辰

大明遼王書

鎮江招隱寺戴顓宅平江虎丘靈巖寺王珣宅  
今何山宣化寺何楷宅既皆為寺猶可彷彿其  
故處何山無甚可愛淺狹僅在路傍無巖洞有  
泉出寺西北隅然亦不甚壯招隱雖狹而山稍  
曲複幽邃有虎跑鹿跑二泉畧如何山皆不能  
為流唯虎丘最奇蓋何山不如招隱招隱不如  
虎丘平江比數經亂兵殘破獨虎丘幸在嚴陵  
無夢園集 千四 九 招隱寺記頌

為若籠謬也 避暑錄話

玉蕊院女僊 府志載招隱玉蕊花大都唐昌觀故事物產志亦援以證

故併錄之

長安安業唐昌觀舊有玉蕊花其花每發若瓊  
林瑤樹唐元和中春物方盛車馬尋玩者相繼  
忽有一日有女子年可十七八衣祿繡衣垂雙

髻無簪珥之飾容色婉嫵迥出于衆從以二女  
冠三小僕皆舛髻黃衫端麗無比旣而下馬以  
白角扇障面直造花所異香芬馥聞于數十步  
外觀者疑出自宮掖莫敢逼而視之佇立良久  
令女僕取花數枝而出將乘馬顧謂黃衫者曰  
曩有玉峯之期自此行矣時觀者如堵咸覺烟  
飛鶴唳景物輝輝舉轡百餘步有輕風擁塵隨  
之而去須臾塵滅望之已在半空方悟神仙之  
遊餘香不散者經月餘時嚴休復元稹劉禹錫

白居易俱作玉蕊院真人降詩嚴休復詩云

終日齋心禱玉宸  
翳消眼冷未逢真  
不如一樹瓊瑤  
盡笑對藏花洞裏人  
又曰香車潛下玉龜  
山塵世何繇覩  
薜顏惟有無情枝  
上雪好風吹綴綠雲  
鬟元稹詩云

弄玉潛過玉樹時  
不教青鳥出花枝  
的應未有知人覺  
只是嚴郎自得知  
劉禹錫詩云

玉女來看玉樹花  
異香先引七香車  
攀枝弄雪時迴首  
驚怪人間日易斜  
又曰雪蕊瓊葩滿院

春羽衣輕步不生塵君王簾下徒相問長伴吹簫別有人白居易詩云

瀛女偷乘鳳下時洞中暫歇弄瓊枝不緣啼鳥春饒舌青瑣仙郎可得知

劇談錄

論玉葢云玉葢花所傳不一有以爲瑒花者曾端伯有以爲瓊花者李衛公有以爲山礬者黃山谷有以爲米囊者其說皆非也蓋此花條蔓而生狀如茶蘼栢葉紫莖冬凋春茂花鬚出始如水絲上綴金粟花心復有碧筩髣髴膽瓶其

無夢園集

十四

七

招隱寺記蹟

中別抽一英出衆鬚上散爲十餘葢猶刻玉然名爲玉葢乃在於此群芳所未有也今長安唐昌觀所植存否不可知惟潤州招隱寺之花識者鮮不爲之嘆賞云

筆叢

戴顓與兄勃並隱皆有名中書令王綏嘗携客訪之敦等方進豆粥綏曰聞卿善琴試欲一聽不

答綏恨而去

宋書

陳景沂書曰戴顓字仲居捨宅爲招隱寺在京口放鶴門外與鶴林古竹院相望數里孤處於

萬山荒涼之巔所繇山逕石卵纍纍不絕如綫  
有宋米元章隸碑以紀仲居之出處方丈有閣  
號增華梁昭明太子選文於中閣之左有亭名  
虎跑鹿跑甘泉清泚閣之右有亭名玉葢亭之  
下有玉葢二株對峙一架其株條彷彿乎葡萄  
而非葡萄之可比輪菌磊瑰有古君子氣象焉

江淮肥遯

無夢園集

千四

三至三

招隱寺記蹟

鶴林寺紀蹟

寺在城西南黃鶴山下舊名竹林晉大興四年  
創宋高祖微時嘗遊焉及卽位改今額是爲律  
院唐開元天寶間玄素禪師諱法照者得法于  
牛頭山歸主其地始改律爲禪寺又名古竹院  
後薛朗劉浩作亂寺燼廢宋紹興中重建改名  
報恩光孝禪寺咸淳間僧慶清重修永樂中寺  
盡廢僧得月就竹院稍葺蘭若弘治中僧了心  
始建堂殿萬曆間郡守秀水鍾公庚陽招禪衲

無夢園集

千四

古 鶴林寺紀蹟

德乘居之冢宰平湖陸公光祖捐金復寺旁地  
重建天王殿方丈僧寮蓮亭竹院  
黃鶴山在府城西南三里京口記曰有黃鶴山  
在縣界晉王恭爲刺史改創西南樓名萬歲西  
北名芙蓉樓至今存焉輿地志云俗傳此樓飛  
向江外以鐵鍊縻之乃已則此山之名其來已  
久而謂宋武帝微時游息于此有黃鶴飛舞其  
上而得名者妄也及受命始爲宮室以藏農具  
南史戴顓世居剡中又徙京口止黃鶴山故又

名戴公山公女于山頂磨笄誓不適人曰磨笄  
山有胡峯嶺秦始皇鑿俗名祖師岡秦潭一名  
綠水潭宋紹興間郡守鄭滋改名放生池唐陸  
龜蒙詩曰松門穿戴寺荷徑遶秦潭

宋戴顓譙郡鉅人父遠兄勃並隱遯有高名衡  
陽王義季鎮京口長史張邵與顓姻通迎來止  
黃鵠山山北有竹林精舍林澗甚美顓憇于此  
澗義季亟從之遊顓服其野服不改常度爲義  
季鼓琴並新聲變曲其三調游絃廣陵止息之  
流皆與世異文帝每欲見之謂黃門侍郎張敷  
曰吾東巡之日當宴戴公山下古竹院李涉詩  
因過竹院逢僧話之句卽其處也及火燼後蘇  
學士培竹蓮池上今名蘇公竹院

龍目湖周孚詩平湖認龍目斷嶺記蜂腰今寺  
前有斷峰嶺

昇仙橋或謂緋衣杜鵑花神自橋而騰空故名  
寄奴泉泉中有白龜人皆以龍種呼之

愛蓮池周濂溪先生道州人少失父奉母依舅

氏鄭龍圖居潤母卒遂葬焉與鶴林寺僧壽涯  
交善讀書寺旁鑿蓮池

濂溪祠萬曆丁酉郡守王公應麟建以和靖尹  
先生配享尹先生開封人建炎中奉召赴紹興  
經鎮江至辛豐鎮夫人郭氏亡遂葬焉及先生  
沒後子孫仍家于丹徒世襲奉祀

米元章護伽藍神祠唐開元天寶間玄素禪師  
主寺寺前曰祖師岡岡外伽藍獲謫師叱之已  
米元章聽法於聰禪師嘗言我當護法卒之日  
伽藍神忽仆地下咸謂元章代玄素所叱也者  
遂祠祀之

慶清跋曰黃鶴山下舊有米元章墓碑稱禮部  
郎中米芾父左武衛將軍贈中散大夫母贈丹  
陽縣太君閻氏皆墓于此中書舍人蔡肇銘  
古竹院祠亭萬曆己亥歲修建

宋武帝賜田山碑

宋高宗御書七佛偈并像碑七座今存三

金剛經碑一座



心經塔一座太湖石香爐一座慶元年造

天雨寶華堂今廢

韓无咎跋云鶴林招隱皆京口勝處也余頃遊焉鶴林近城猶屋數間招隱迥在山中屋亦無矣况修林哉東坡所謂古寺滿修竹也惜其未深者殆鶴林耶周寶爲浙西節度使治城隍至鶴林門得古塚棺槨將腐發之有一女子面如生鉛粉衣服皆不敗寶卽命改塋具車輿聲樂以送與僚屬登城望之有紫雲覆輻車上行數里咸見一女子出自車中坐于紫雲冉冉而上久之乃沒啟棺則空矣

無夢園集

千四

七 鶴林寺記蹟

丹徒令馬邦良記曰郡少師石淙楊公愛寺前松十三株挺秀時來盤桓其下于是構十三松賦記銘重之亡何兵興賦允僧衆苦徭役不支逃亡畧盡而寺坐廢向所爲十三松者不免繼焦桐爨矣

杜鵑高丈餘春月開花傾城士女遊賞相傳唐貞元中有外國僧自天台鉢盂中以藥養根種

之每春未開時或窺二女子來遊花下俗傳花神也其後有殷七七者名天祥又名道筌周寶于長安中識之及寶自涇源移鎮浙西七七亦到郡寶師敬益甚一日謂七七曰鶴林之花天下奇絕嘗聞能開非時花今重九將近能開此乎七七曰可乃前二日往花所其夜女子來曰妾爲上帝司此花今與道者開之然此花不久當歸閨苑矣晨起花漸破蓋九日盛開如春寶驚異燕賀累日間數日花俄不見亦無落花在

無夢園集

千四

文

鶴林寺記頌

地後二十年薛朗劉浩亂寶南奔杭州而寶總戍爲政刑殺無辜前上饒牧陳全裕經其境構之以禍盡赤其族寶八十三筋力猶壯女妓百數盡得七七之術及全裕作厲一旦忽殂七七劉浩軍變之時甘露寺衆見落北崖謂墜江死矣其後人見在江西十餘年賣藥入蜀莫知所之鶴林犯兵火焚寺樹失根株信歸閨苑矣按樂天東坡詩註并容齋隨筆所載皆云山石榴映山紅山躑躅卽此花也宋咸淳八年寺僧慶

清乃以躑躅補其舊廸功郎光州司戶參軍朱  
正國作記刻石未幾枯瘁元延祐丙辰里人戈  
道恭家圃有此花乃移植故處蜀郡青陽翼爲  
記

玄素禪師者延陵人也姓馬氏晚叅威禪師遂  
悟性宗後居鶴林寺一日有屠者禮謁願就所  
居辦供師欣然而往衆皆見訝師曰佛性平等  
賢愚一致但可度者吾卽度之復何差別之有  
僧問如何是西來意師曰會卽不會疑卽不疑

無夢園集

干四

十九

鶴林寺記蹟

又曰不會不疑底不疑不會底有僧叩門師問  
是甚麼人曰是僧師曰非但是僧佛來亦不着  
曰爲甚麼不着師曰無汝棲泊處

昔王常侍訪臨濟至僧堂問曰此一堂僧在此  
作麼濟曰不看經不坐禪總教他成佛去此話  
流落叢林舊矣鶴林定殿主要向不看經不坐  
禪處長伸化喙極力扶持使臨濟家聲千古不

墜

中峯  
禪師

峽山禪師或問如何是法身師曰法身無相僧

曰如何是法眼師曰法眼無瑕

圓悟禪師云西湖然禪師都中相別能自奮志  
意繼佛性住持甚善凡百日慎一日久之菓熟  
自馨香也收書叙致殊慙慙奈他值冗附此相  
勉領刹作粥主一味公心平直以身先之及應  
接謙和人乃飯向要潔清梵行然後隨以已所  
得以開示於人勿自過爲矜衒便是守本也

孫覲曰余寓曹山寺見一僧面壁跌坐如老尊  
宿問其年曰廿三矣固已心異之一日長老撞

無夢園集

千四

三

鶴林寺記蹟

鐘選監寺衆論雜然請以山爲之凡五辭而後  
就區處細務綜練精覈又如老於事者至於辱  
身勵行芒履自隨涉水穿雲風餐露宿爲衆人  
營一飽無厭倦意蓋爲佛法也苟克此心至于  
刳眼斷臂割截支節無不可者彼尸居不事東  
說西誦空畫地以欺世取譽爲語吾不信也

孫覲啟族孫書言云公住鶴林矣鶴林自杜鵑  
花收還閭苑數百年後鐘鼓一新雲山改色自  
公始也又啟上山老云每記浮杯卓錫之朝想

見故人風度聊以自慰也

宋紹興法永撰黑漆光菩薩傳云菩薩諱法明示蹟于萊州卽墨縣荆溝村以試經得度于郡之崇福寺精練法華每遊州邑聚落間遇有胎孕婦往過其門或爲講藥草喻品其娠卽輕免求嗣者卽果遂他郡有木客爲風濤所敗卽示以觀世音菩薩號俾其急誦遂獲安濟後值歲旱民庶禱籲不應乃以積薪爲宰堵遂捐身入化火自焚大霆三日雨足開霽衆奔聚觀獨餘

無夢園集

千四

主

鶴林寺記蹟

真身危坐灰燼曾無少損但益以光明如黑漆宋州牧以聞賜號黑漆光菩薩仍詔漆布其身楊石淙重修光風霽月亭記云先生之學實昉于潤昔有妄人緣此謂先生之學得之鶴林寺僧壽涯是使潤州適爲先生污曠之地儒先辨之無庸論已聖賢之在世也如水之在地無處無之而其發源經流不可不識先生之於潤生於斯發迹于斯其母氏又托體于斯此光風霽月亭之所由建歟

按先生祠歷宋而元屢徙其舊入

國朝書院遂廢其地

併于鶴林寺僧景秦間郡守張公巖卽廟背山之巔構亭扁以今名弘治辛亥郡守鄭公世英葺而新之

郡守王應麟重建濂溪祠并祭田碑記云先生讀書鶴林寺後之人卽其地祀之祠圯當事者遷主文廟之東清風祠舊祠遂爲遊人踏踐蓮池亦漸淤塞且業于土人矣己丑春五臺陸公贖焉于是檄丹徒龐君時復之以尹和靖曾寓君京口配焉深濬其池四面石砌環之以欄池前建光霽亭圍垣內外植桃李桐桂諸木宛然

無夢園集

千四

壽

庭草交翠祠透東闌徑通寺豎周子蓮池坊與蘇公竹院坊相對以妖僧汪元洪藉沒田百餘畝向隱占者供歲祭貯其餘以佐修繕周先生曰菊之愛陶後無聞蓮之愛同予者何人額其亭曰同予

京口述上

建置沿革

鎮江府在禹貢周職方為揚州之域天文斗分野春秋時為吳地吳亡屬越越亡屬楚秦併天下為會稽鄣二郡之地自句曲以西屬鄣郡以東屬會稽郡漢初高帝封其從兄子賈為荆王都于此賈死以封沛侯濞為吳王濞誅以其地屬江都國國除復屬會稽郡東漢屬吳郡建安十四年孫權自吳徙治丹徒號曰京城十六年

無夢園集

千四

三

京口述

遷都建業復于此置京督為重鎮焉

圖經曰其城因山為

壘緣江為境爾雅曰丘絕高曰京京口得名以此吳志孫策使孫河領兵屯京地又云魏臧霸以輕船襲徐陵皆指此地

晉平吳為毘陵郡地永嘉五年改為晉陵郡徙治丹徒元帝渡江都建業乃于京口僑置徐兗州後雖徐州或鎮下邳或鎮盱眙姑熟皆置留局于京口時號為北府宋元嘉中以南徐州治京口又置南東海郡隋廢州及郡為延陵鎮屬蔣州開皇中改置潤州尋廢為延陵縣開皇十

五年罷延陵鎮以蔣州之延陵永年常州之曲阿三縣置潤州于鎮城蓋取州東潤浦以立名大業三年廢為江都郡之延陵縣唐武德初復曰潤州天寶初改丹陽郡乾元初復為潤州又陞為丹陽軍政和中以徽宗潛邸陞鎮江府元改鎮江路屬江浙行省

國朝初為江淮府後改鎮江府直隸京師領縣

三丹徒丹陽金壇

按丹徒縣本吳朱方齊慶封奔吳吳子予之朱方止一邑

之地當係之丹徒邑名之下不當繫之京口郡名之下也

無夢園集

干四

美京口述

### 池

三國時吳目為京城孫韶代伯父河守京城嘗繕治之唐太和中觀察使王璠始鑿外隍乾符中周寶築羅城二十餘里元帥耿再成闢四門東曰朝陽南曰虎踞西曰金銀北曰定波并南北水關凡六洪武元年起麗譙于門上萬曆十二年知府吳撫謙于府後築垣與城齊以衛府

### 治

子城吳大帝所築內外皆甃以甃號鐵甃城晉



郝鑿嘗修之王恭更大有改創南唐刺史林仁肇復修之東西夾城則唐築也

### 山

劉楨京口記曰蒜山無峯嶺臨江寰宇記曰山生澤蒜或云吳周瑜與蜀諸葛亮議拒曹操于此籌算曰算山南唐徐知諤鎮潤州有蜀估持鳳頭至狀如雄雞廣五寸朱冠金喙一日遊蒜山除地爲塲連虎皮爲大幄號虎帳與賓僚會飲忽暴風裂帳碎如飛蝶鳳頭隨失去知諤歸

無夢園集

千四

七

京口述

疾卒東晉末孫恩率衆登蒜山劉裕擊破之唐劉展叛田神功將步騎萬餘陳于蒜山蒜山松林中可卜居蘇子瞻有蒜山詩觀此則山舊寬廣可容萬人不知何年淪入於江今西津渡口水中孤峯是也山頂二翁亭

新舊太守林希楊傑同登故名久

廢不攷南唐書梁王徐知諤遊蒜山不言蒜山

豈又名秫耶

京峴山在府城東五里卽秦所鑿泄王氣處宋王存與刁經臣詩二載京峴居過從不獲屢注

云京峴乃潤之二山世以爲一李德裕祭言禪師文云北固山乃此山之一支也山下有龍目湖上有平水大王廟五州山在府城西三十里相傳山頂望見五州宋曾布詩天際林巒壓壽丘夾江旁瞰兩三州又云海門西北起崇丘極目參差見五州蔡肇詩云西升崇丘望崑崙見五州然登山頂望惟真楊升潤四州可見顏延年詩云春方動宸駕望幸傾五州按晉宋之間淮北遺黎僑寓江左疑五州之民居此山左右

無夢園集

千四

天

京口述

### 耶山有顯慈寺

馬蹟山在府城東南三十五里山上有黃龍青龍二洞黃龍洞中舊有石泉一掬四時不竭近頗止澁青龍洞巉巖嶽崎澆入其中冷然風生洞有大小石龍數條挂石罅中時出青霧霧出卽雨東有夏禹王廟覆船山在府城西南五十里一統志舊志以爲卽酒罌山而梁武帝輿駕東行記以覆船酒罌高驪並列則又似二山也壽丘山在府治西南宋武帝徵時宅基也帝旣

卽位築丹徒宮後建慈和普照雲臺諸寺鮑照  
從過舊宮詩云東秦邦北門非親誰克居丘希  
逸詩曰實惟北門重匪親孰爲寄有壽丘司徒  
廟宗忠簡公祠今爲四賢祠按忠簡公義烏人  
宣和間以言事謫居潤夫人死藁葬于此後尹  
開封卒因合葬焉范文正公少隨母讀書隆化  
寺文信國公使虜脫難于京口丞相秀夫陸公  
亦寓居郡中故並祠焉南麓有龍華寺卽其址  
建丹徒縣儒學

無夢園集

干四

无

京口述

唐頽山在府治西南有羅漢寺五通廟風漪軒  
蘇庠詩云竹院旣疎明流泉復清駛

石公山在府城東北八里瀕江與焦山對峙下  
有送江亭

陳輔之建取東坡宦遊直送江入海句

威輔堂石公山

神廟

圖山在府城東北六十里宋張世傑與元兵戰  
于江中不退奔圖山卽此山出火石有上下二  
箭洞下有東霞寺

銀山在府城西江口舊名土山以山形壁立俗

呼豎土山避宋英宗諱亦呼植土山劉禹錫詩  
土山京口峻卽此元時建寺以與金山對峙易  
名銀山上有金雞嶺般若院浮玉亭與同亭天  
妃廟關王廟褒忠廟其下第一村孫楚別墅也  
浮玉亭在玉山之趾下臨江宋郡守程邁立紹  
興間每肄習水軍嘉定間都統制都元鼎重建  
郡守史彌堅易名東南形勝

楊子江

湖渠洲港附

大江在府城西北六里卽楊子江也一名京江

無夢園集

千四

三

京口述

東注大海北距廣陵三國志魏文帝將東征出  
廣陵臨大江見波濤洶湧不敢渡歎曰天所以  
限南北也魏雖有武騎千羣無所用之遂於馬  
上賦詩云觀兵臨江水水流何湯湯又云誰云  
江水廣可以一葦航類集云水至金山分爲三  
灑水記楊子江南零水第一又李德裕使取金  
山中冷泉水蔡祐竹窓雜記石排山北謂之北  
灑江最深處釣者云深三十餘丈

文信公指南錄中有過楊子江心詩題云大海

中一條自楊子江直上淡者是此乃長江盡處  
橫約百二十里吾舟乘風過之一時卽鹹水  
海潮圖經不載然唐人詩每及之如李嘉祐云  
北固潮聲滿賈島云潮平京口斜劉長卿云潮  
吞海門石然鎮江潮候與錢塘諸處稍異

漕渠自江口至南水門九里又南至呂城堰百  
二十四里秦鑿丹徒曲阿齊通吳會隋穿使廣  
唐引練湖灌注宋天聖中開新河慶曆中疏蒜  
山河皇祐中廢呂城堰深濬河河反狹治平中  
修夾甯河道紹聖中浚練河易置斗門以便漕  
泄政和中開西舊河乾道中自丹陽浚至夾甯  
自利涉門浚至江岸淳熙中自京口開濬至江  
口嘉定中自江口濬至城南門淳祐中修湖復  
閘闌淤而深元至元大德間屢募民淘淺泰定  
初復加濬治國朝天順中重濬復鑿社稷壇西  
隙地以通濠塹達於漕河

市河有三其一城西諸山之水匯爲澳合永安  
寺聖井泉繇水西門經唐顏山浚至關門橋小

圍橋達京口港以入於江其一發源真珠泉繇鶴林門經西園橋過道人橋分流右折者經社壇橋至右軍寨與澳水合左折者經皇祐橋漆皂橋嘉泰橋懷德橋斜橋大圍橋亦達京口港以入于江其一自清風橋側繇折橋石礮橋至朝真橋北流與皇祐橋水合者則漕渠之溢水也宋南渡後類多湮塞每加疏導

郡國志曰潤州邊坡有湖名龍目湖劉楨記曰龍目湖秦王東遊觀地勢云此有天子氣使赭

無憂園集

千四

三

京口述上八

衣徒鑿湖中長岡令斷因改爲丹徒令水北注江而深典乃云武帝望京峴山盤紆似龍掘其左右爲龍目二湖未詳孰是今失其所在周孚詩平湖認龍目斷嶺記蜂腰蓋鶴林寺前山有名胡蜂腰者也

伊婁河唐地理志開元二十七年潤州刺史齊澣所開按澣傳云州北距瓜步沙尾紆滙六十里舟多敗溺澣徙漕路繇京口埭治伊婁渠以達楊子當時瓜州遙隸潤州故澣得以改置李

白有題瓜州新河餞族叔舍人渡江詩云齊公  
作新河萬古流不絕豐功利生人天壤同朽滅  
兩橋對雙閣芳樹有行列愛此如甘棠誰云敢  
攀折吳關倚北固天險自茲設海水落斗門潮  
平見沙汭

夾岡河地勢鋪迴岐分山春相距曠迴行者惴  
惴熊叔茂詩僻疑昏有虎靜怪曉無鷄嘉祐中  
郡守宇文紹彭勅置六舖遂成坦途

歸水澳宋元符間設乾道寢廢嘉定中郡守史

無夢園集

于四

三

京口述

彌堅重濬按史彌堅記曰南徐地高印漕渠貫  
城中西津斗門達于江以出納綱  
運慮斗門之開而水委下也則爲積水歸水之  
澳以輔乎渠余至郡視渠湮塞舟繇江陰五瀉  
而去則按行故蹟始復歸水澳然澳西南轉般  
倉其東北則甘露港別爲斗門以通于江亘三  
水爲之長濠其達于甘露港者爲上下二  
閘又于非閘之址通爲秋月潭以藏舟焉

海鮮河在京口閘外史彌堅濬

金山水陸堂下井舊志言近歲寺僧以取中冷  
之艱指此井以爲中冷實非也又其前言用二  
竽一餅取中冷之法惜刻本缺誤不得其詳

紫金泉在城中嘉定志紫金山正當市中心四旁

民居舊來猶隱隱見金脚今其泉卽嚴氏義井也或云此泉爲天下第二品

泮泉在舊府學西宋元祐間郡守林希鑿井得石刻泮泉二字教官楊邁創亭

潤浦亦曰東浦在城東一里隋置潤州以此浦得名下鼻浦在城西十八里北入江輿地志吳

置刺奸屯晉郗鑿于浦西築兩壘

東有憩嶺亭知縣龐時雍

重修

樂亭浦在下鼻西七里吳書所謂簿落也王濬

無憂園集

千四

三五

京口述

緣江圖爲瀆浦亭北江有貴洲魏文帝曾漂至此洲

徒兒浦在縣東二十里相傳秦始皇將徒兒過此浦因名

西浦異苑記交州阮朗晉永和出都至西浦泊舟見一青衣女子朗彎弓射之卽軒雲而去朗尋被害唐籍有西浦詩

胡豆洲侯景旣敗羊鵝密圍之景惟餘三舸下海欲向蒙山會景晝寢鷓鴣語海師此中何處有



蒙山汝但聽我處分遂直向京口至胡豆洲景  
覺大驚將依郭元建鷓拔刀叱海師使向京口  
景欲投水鷓以稍刺殺之

放生池在子城西南舊名秦潭

秦始  
皇治

亦名綠水

潭宋紹興間郡守鄭滋始立爲放生池池水歲  
旱不涸

荷香池在仁和門內池可二三頃外縈以山花  
極盛舊有亭不存

慶封井在縣治南按齊慶封奔吳居有此井陸

無夢園集

千四

三

京口述

龜蒙詩今歌此井示吳人斷縷沉餅自茲始

宋沈內翰括嘗夢至一處登山花木如覆錦  
山之下有水澄澈極目而喬木翳其上心樂之  
將謀居焉後謫官至京口恍然夢中所見因目  
爲夢溪云

馬林溪在縣南三十里皇甫冉有馬林溪遇雨

詩

西津渡去府治九里北與瓜洲對岸舊謂之蒜

山渡唐李德裕爲浙西觀察使于蒜山渡嚴勒

渡邏卽今西津渡也

韓橋渡在丹徒鄉宋朱倬詩陽溪人喚漁樵渡  
江上潮平船欲行

無夢園集

千四

美

京口述

江上潮平船欲行  
韓橋渡在丹徒鄉  
宋朱倬詩陽溪人  
喚漁樵渡

江上潮平船欲行  
韓橋渡在丹徒鄉  
宋朱倬詩陽溪人  
喚漁樵渡

江上潮平船欲行  
韓橋渡在丹徒鄉  
宋朱倬詩陽溪人  
喚漁樵渡

楊子江記蹟

唐中書令岑文本江陵人少信佛常念誦法華經普門品曾乘船于巨江中船壞人盡死文本沒在水中聞有人言但念佛必不死也如是三言之既而隨波湧出已著北岍遂免死後于江陵設齋僧徒集其家有一客僧獨後去謂文本曰天下方亂君幸不預其災終逢太平致富貴也言訖趨出外不見既而文本就齋于自食椀中得舍利二枚後果如其言

法苑珠林

無夢園集

千四

三毛 楊子江記蹟

李約爲兵部員外汧公之子也識度清曠迥出塵表與主客張員外諗同官并韋徵君况牆東遯世不婚娶不治生業李獨厚于張每與張匡牀靜言達旦不寢人莫得知贈張詩曰我有心中事不與韋三說秋夜洛陽城明月照張八約嘗江行與一商胡舟楫相次商胡病固邀相見以三女託之皆絕色也又遺一珠約悉唯唯及商胡死財寶約數萬悉籍其數送官而以三女求配始殮商胡時約自以夜光哈之人莫知也

後死胡有親屬來理資財約請官司發掘簡之夜光果在其密行皆此類也

尚書  
故事

李舟好事嘗得村舍煙竹截爲笛堅如鐵石以遺李暮暮吹笛天下第一月夜泛江與同舟人吹寥亮逸發俄有客于舫呼舟請載旣至請笛而笛甚爲精妙山石可裂暮平生未嘗見及入破呼吸盤擗應指粉碎客散不知所之舟人著記疑其蛟龍也暮嘗秋夜吹笛于瓜洲檝載甚隘初發調羣動皆息及數奏微風颯然立至有

無夢園集

于四

三六 楊子江記蹟

頃舟人賈客有怨歎悲泣之聲

國史  
補

唐虔州參軍崔進思侍郎中孫尚容之力充綱入都送五千貫每貫取三百文裏頭百姓怨歎號天哭地至瓜步江遭風船沒無有子遺家資田園貨賣並盡解官落職求活無處此所謂聚斂之怨

太平  
廣記

唐潤州攝山栖霞寺釋智聰嘗住揚州安樂寺

大業之亂思歸無計隱江荻中誦法華經七日

不食恒有虎遶之聰曰吾命須臾卿須可食虎

忽發言曰造天立地無有此禮忽有一老翁榜舟而至翁曰師欲渡江至栖霞寺可卽上船四虎一時淚流聰曰爾與我有緣耶於是挾四虎利涉旣達南岍船及老人不知所在聰領四虎往栖霞舍利塔西經行坐禪衆徒八十咸不出院若有所事一虎入寺鳴號以爲恒式聰至貞觀中遷化年九十九矣

唐高僧傳

劉穆之常渡楊子江宿夢合兩船爲舫上施華蓋儀飾甚盛以升天旣曉有一姥問曰君昨夜

無夢園集

千四

堯

楊子江記蹟

有佳夢否穆之乃具說之姥曰君必位居端揆言訖不見後官至僕射丹陽尹以元功也

異苑

隋文帝未貴時常舟行江中夜泊夢無左手及覺甚惡之及登岍詣一草菴中有一老僧道極高具以夢告之僧起賀曰無左手者獨拳也當爲天子後帝興建此菴爲吉祥寺

獨異志

京口有徐郎者家甚褻褻常于江邊拾流柴忽見江中連船蓋川而來逕迴入浦對徐而泊遣使往云天女今當爲徐郎妻徐入屋角隱藏不

出母兄妹勸勵強出未至舫先令于別室爲徐  
郎浴水芬香非世常有贈以繒絳之衣徐唯恐  
懼累膝牀端夜無隣接之禮女然後發遣以所  
贈衣物乞之而退家大小恕惜煎罵遂懊歎卒

幽冥錄

隆安中丹徒民陳惺于江邊作魚簞潮去于簞  
中得一女長六尺有容色無衣裳水去不能動  
臥沙中與語不應有一人就姦之惺夜夢云我  
江神也昨失路落君簞中小人辱我今當白尊  
無夢園集 千四

卑 楊子江記蹟

神殺之惺不敢歸得潮來自逐水而去姦者尋  
亦病死矣

洽聞記

天祐七年夏成都大雨岷江漲將壞京口江灌  
堰上夜聞呼噪之聲若千百人列炬無數大風  
暴雨而火影不滅及明大堰移數百丈堰水入  
新津江李陽冰祠中所立旗幟皆溼是時新津  
嘉眉水害尤多而京江不加溢焉

錄異記

吳王孫權曾江行食鱠有餘因棄之中流化而  
爲魚今有魚猶名吳餘鱠者長數寸大如筍尚

呂師造爲池州刺史頗聚斂常嫁女于揚都資送甚厚使家人送之晚泊竹篠江岼上忽有一道士狀若狂人來去奔走忽躍入舟直穿舟中過隨其所經火卽大發復登後船火亦隨之凡所載之物皆爲煨燼一老婢髮亦盡餘人與船了無所損火滅道士亦不見

稽神錄

廣陵有賈人以柏木造牀凡什器百餘事製作甚精其費已二十萬載之建康賣以求利晚至

無夢園集

十四

望

楊子江記蹟

瓜步微有風起因泊山下頃有巨舟其中空唯篙工三人乘之亦泊于其側賈人疑之相與議此必羣盜也將伺夜而劫我前浦旣遠風又益急逃避無所夜卽相與登岼深林中以避之俄有風雨雷電蒙覆舟所岼上則星月了然食頃雨止雲散見巨舟稍稍前去乃敢歸舟中所載柏木什器都不復見餘物皆在巨舟猶在東岼有人呼曰爾無恨當還爾價賈人所載旣失復歸廣陵至家已有人送錢三十萬置之而去問

其人卽泊瓜步之明日也

稽神錄

避亂錄建炎己酉先兄待制諱舜涉字汝明帥建康與右丞杜充不相能充時領兵駐建康充自遣將來奪取經制司錢物待制聞于朝充往往亦知而後奏朝廷知二公不合十月移待制兩浙宣司參謀是時世忠兵駐鎮江舉家從之小泊于焦山雜于韓軍雜物船中旣至焦山船中隘不可居入寺中占其方丈老幼悉安堵但日遊戲于焦山而已時虜已破鎮江日見虜騎馳逐于江岫坐見其焚甘露寺但留雙塔世忠以江船鑿沈于閘口拒虜人之出虜船實不可出以閘口沈船縱橫也世忠軍皆海船陣于江中中軍船長大處于中餘四軍皆分列以簇之甚可觀輜重船皆列于山後予日登焦山頂觀之山前但見作院等船耳二人爲兵器于寺前又有鎮江見任官及寺中之船皆于寺前太守李汝爲亦在焉汝爲亦韓軍中人世忠命爲太守

守者也

玉照新志

無夢園集

十四

聖

楊子江記蹟



世忠舟師敗于虜人初予行焦山見世忠陳兵江中而鎮江江口山上有兀立不動下視吾軍者世忠船特大早晚諸將來稟議絡繹不絕皆用小舟明知大者爲世忠自餘匝軍船歷歷可數吾嘗自念吾軍中事虜人莫不目見耳聞而虜人賊中事吾軍畧不知之亦可慮矣

玉照新志

世忠所携杭妓呂小小卽以附志初小小有罪繫于獄其家欲脫之世忠偶赴待制飯因勸酒啟曰某有少事告訴待制若從所請當飲巨觥

無夢園集

千四

聖三

楊子江記蹟

待制請言之卽以此妓爲懇待制爲破械世忠欣躍連飲數觥會散携妓以歸後易姓茅

玉照新志

楊子江水并惠山泉稱之一升重二十四銖杜康泉二十三銖

泥古錄

靖康亂後汴河中多得珍寶有獲金燎鑪者以上方物人間不敢留復歸官府揚州倉卒南渡楊子江中遺棄物尤多後鎮江漁戶于西津沙際有得一囊北珠者太平興國中鄭州修東嶽廟穿土得一玉杵曰以獻亦五代亂時之物金

玉沒于地中蓋亦有時而復出清波雜志

水流天地外山色有無中王維詩也權德輿晚

渡楊子江詩云遠岫有無中片帆烟水上是用

維語老學菴筆記

僧法一宗杲自東都避亂渡江各携一笠杲笠

中有黃金釵每自簡視一伺知之杲起如廁一

亟探釵擲江中杲還亡釵不敢言而色變叱之

曰與汝共學了生死大事乃眷眷此物耶我適

已為汝投之江流矣杲展坐具作禮而行筆記

無夢園集 十四

畧 楊子江記蹟

裴慶餘佐李公淮南幕嘗遊江舟子刺船篙濺

水溼近座公色變慶餘作詩曰滿額驚黃金縷

衣翠翹浮動玉釵垂從教水濺羅衣溼知道巫

山雲雨歸撫言

晉懷帝永嘉六年鑄一鼎沈于瓜步江中無文

字鼎似龜形鼎錄

煬帝嘗三月三日江上作鳳船歌云三月三日

向江頭正見鯉魚波上遊意欲垂釣往撩取恐

是蛟龍還復休乃唐興之兆也外紀

大抵江中多沙初自水底將湧聚傍江居人多  
能以水色驗之漸漲而出水初謂之塗泥地已  
而生小黃花謂之黃花雜草地其相去遲速不  
常近不過三五年者自花變而生蘆葦則綿亘  
數十里皆爲良田其利不貲故有辨其水色卽  
請射而駕空出稔三二年者予在丹徒聞金山  
近南將有漲沙者安知異時金山不復與潤州  
爲一耶

蔡寬夫  
詩話

趙仁甫嘗宿郝伯常家之蠓齋菴時霜清月冷

無夢園集

干四

聖五 楊子江記蹟

聞角聲寥亮伯常作聽角行以贈其行有云漢  
家有客北海使北節落盡頭毛白聽此空令雙  
淚垂中原雁斷無消息南枝越鳥莫驚飛牢落  
天涯永相失江上舊梅花今夜落誰家樓頭有  
恨知何事牽住晴空幾縷霞及伯常拘儀真每  
聞角聲因思向來卒章四句便有江城羈留之  
兆因作後聽角行以自釋云燕南壯士江城客  
孤館無眠心已折那堪夜夜聞角聲怨曲悲涼  
更幽咽一噴牽殘楊柳風五更吹落梅花月霜

天裂却浮雲散雁行斷盡疎星接餘音渺渺渡  
江去依稀似向愁人說勸君且莫多歎嗟家人  
恨殺生離別可憐辛苦爲誰來凋盡朱顏頭半  
白萬緒千端都上心一寸肝腸能幾截當時聽  
角送南人南人吹角不送人不如睡著東風惡  
拍枕江聲總不聞

外紀

高季迪憶遠曲云楊子津頭風色起郎帆一開  
三百里江橋水柵多酒壚女兒解歌山鷓鴣武  
昌西上巴陵道聞道處處經過好櫻桃熟時郎

無夢園集

千四

吳

楊子江記蹟

不歸客中誰爲縫春衣陌頭空問琵琶卜欲歸  
不歸在郎足郎心重利輕風波在家日少行路  
多妾今能使烏頭白不能使郎休作客

外紀

解學士九歲時其父携詣江沐浴以衣覆老樹  
上命對云千年老樹爲衣架急應云萬里長江  
作浴盤歸見馬行草野命對云黑馬尾拖銀掃  
帚對云烏鴉頂帶玉繚環父珍愛之甚

外紀

江上取魚用欄灘網日可俯拾濱江人家得魚  
留數日俟稍敗方烹或謂何不擊鮮云鮮則必

腥海上有逐臭之夫於此益信茲謂神奇化臭腐又見故老言承平時淮甸蝦米用蓆裹入京色皆枯黑無味以便溺浸一宿水洗去則紅潤如新又歲久佩香以虎子覆一夕芬馥仍舊茲謂臭腐化神奇或云無是理荅曰藥物中秋石何自而出

清波雜志

隋汾陽侯生天下奇士也王度常以師禮事之臨終贈度以古鏡曰持此則百邪遠人度受而寶之鏡橫徑八寸鼻作麒麟蹲伏之象遠鼻列

無夢園集

千四

罍

楊子江記續

四方龜龍鳳虎依方陳布四方外又設八卦卦外置十二辰位而具畜焉辰畜之外又置二十四字周遶輪廓文體似隸點畫無闕而非字書所有也侯生云二十四氣之象形承日照之則背上文畫墨入影內纖毫無失舉而扣之清音徐引竟日方絕嗟乎此則非凡鏡之所同也度之弟勸遊江南將渡廣陵楊子江忽暗雲覆水黑風波湧舟子失色慮有覆沒勸携鏡上舟照江中數步明朗徹底風雲四斂波濤遂息須臾

之間達濟天塹躋攝山麴芳嶺或攀絕頂或入  
深洞逢其羣鳥環人而噪數熊當路而蹲以鏡  
揮之熊鳥奔駭是時利涉浙江遇潮出海濤聲  
振吼數百里而聞舟人曰濤既近未可渡南若  
不迴舟吾輩必葬魚腹勸出鏡照江波不進屹  
如雲立四面江水豁開五十餘步水漸清淺龜  
鼉散走舉帆翩翩直入南浦然後却視濤波洪  
湧高數十丈而至所渡之所也遂登天台周覽  
洞壑夜行佩之山谷去身百步四面光徹纖微

無夢園集

千四

吳

楊子江記蹟

皆見林間宿鳥驚而亂飛還履會稽逢異人張  
始鸞授勸周髀九章及明堂六甲之事與陳祿

同歸

異聞錄

唐天寶三載五月十五日揚州進水心鏡一面  
縱橫九寸青瑩耀日背有盤龍長三尺四寸五  
分勢如生動玄宗覽而異之進鏡官揚州參軍  
李守泰曰鑄鏡時有一老人自稱姓龍名護鬚  
髮皓白眉如絲垂下至肩衣白衫有小童相隨  
年十歲衣黑衣龍護呼爲玄冥以五月朔忽來

神采有異人莫之識謂鏡匠呂暉曰老人家住  
近聞少年鑄鏡暫來寓目老人解造真龍欲爲  
少年制之頗將愜于帝意遂令玄冥入鑪所扇  
閉戶牖不令人到經三日三夜門左洞開呂暉  
等二十人于院內搜覓失龍護及玄冥所在鏡  
鑪前獲素書一紙文字小隸云鏡龍長三尺四  
寸五分法三才象四氣稟五行也縱橫九寸類  
九州分野鏡鼻如明月珠焉開元皇帝聖通神  
靈吾將降祉斯鏡可以辟邪鑿萬物秦始皇之

無夢園集

千四

兜

楊子江記蹟

鏡無以加焉歌曰盤龍盤龍隱于鏡中分野有  
象變化無窮興雲吐霧行雨生風上清仙子來  
獻聖聰呂暉等遂移鏡鑪置船中以五月五日  
午時乃于楊子江鑄之未鑄前天地清謐興造  
之際左右江水忽高三十餘尺如雪山浮江又  
聞龍吟如笙簧之聲達于數十里稽諸古老自  
鑄鏡以來未有如斯之異也帝詔有司別掌此  
鏡至天寶七載秦中大旱自三月不雨至六月  
帝親幸龍堂祈之不應問昊天觀道士葉法善

曰朕敬事神靈以安百姓今亢陽如此朕甚憂之親臨祈禱不雨何也卿見真龍否乎對曰臣亦曾見真龍臣聞畫龍四肢骨節一處得似真龍卽便有感應用以祈禱則雨立降所以未靈驗者或不類真龍耳帝卽詔中使孫知古引法善于內庫徧視之忽見此鏡遂還奏曰此鏡龍真龍也帝幸凝陰殿并召法善祈鏡龍頃刻間見殿棟有白氣兩道下近鏡龍龍鼻亦有白氣上近梁棟須臾充滿殿庭徧散城內甘雨大澍

無夢園集

千四

辛 楊子江記蹟

凡七日而止秦中大熟帝詔集賢待詔吳道子圖寫鏡龍以賜法善

異聞錄

崔信明嘗自矜其文謂過李百藥鄭世翼遇之江中謂明信曰嘗聞有楓落吳江冷願見其餘信明欣然多出衆篇世翼覽未終篇曰所見不逮所聞投諸水引舟而去

何氏語林

姚崑傑與盧肇會于江亭肇改令曰遠望漁舟不濶尺入姚遠飲嘔噦還令曰凭欄一吐已覺

空喉



彭蠡湖側有鄉人李進勅者以販彭蠡湖魚爲業常以大船滿載其魚於金陵及維揚肆中積有年矣一旦復販魚于金陵夜泊三山之浦其夕風靜波澄月色如晝進勅乃步于岍側聞船內有千萬人誦經聲勅驚而異之伺聽于岍其音清亮非常進勅登舟察之乃船內魚耳進勅曰由我馱見販易衆生輪迴之身不可測也因悉放魚于江中臨放魚時言曰諸魚旣各通靈他日某若困苦敢希方便垂恩矣由是改業販

鬻荻薪數年之間大作簾筏載薪于金陵貨之未到間值大風吹溺簾筏一時沈溺惟進勅墮於江中不溺足下如有所履俄而被風颭竹數竿至於進勅身側進勅扶此竹而獲稍其濟乃見大魚數百頭於進勅足下乘之及有竹頭共拽竹而行移時到沙洲乃得登岍回顧諸魚各已散去至夜不得度江卽栖于洲上將更深矣進勅卽獨坐愁苦兩淚迸灑嗟身之蹇躓一至於茲忽見荻叢碎罅中光芒然進勅卽以手摸

之獲金二斤乃袖于懷中愁悶頗息俄見一人  
著白衣向波心踴立謂進勅曰朝來得存性命  
及獲金乃卽前者所放諸魚今各報子恩也言  
訖不見待旦卽有魚數十頭又拽一葉舟來橈  
棹俱備進勅因得及旣而歸矣余嘗覽佛書見  
論十千天子報恩何異於是乎

搜神記

京口居人晚出江上見石公山下有二青牛腹  
嘴皆紅戲于水際一白衣老人長可三丈執鞭  
于其傍久之翁回顧見人卽鞭二牛入水翁卽

無夢園集

千四

至

楊子江記蹟

跳躍而上倏忽漸長一舉足徑上石公山頂遂  
不復見

稽神錄

太祖初渡江至采石駐薛嫗家饑甚坐穀籠架  
上問嫗此何物對曰籠牀烹線雞爲食問何肉  
曰斂雞飯以大麥曰仁飯

太祖默喜蓋龍牀登基人犯皆吉語也天下旣  
定召嫗賞之今有薛家窪云

瑯琊漫抄

蘇子瞻渡江至儀真和荆公遊蔣山詩後寄示  
荆公公亟取讀至峰多巧障日江遠欲浮天撫

几歎曰老夫一生作詩無此二句

何氏語林

唐高祖武德七年河間王彥恭征輔公祜宴羣師于舟中彥恭以金盃酌江水將飲之則化爲血彥恭曰盃中之血公祜授首之兆

集異志

周僕射在中朝時能飲酒一石及過江雖日醉每稱無對偶有舊對從北來周遇之欣然乃出酒二石共飲各大醉及周醒使視客已腐腸而死

何氏語林

衛洗馬初欲渡江形神慘頓語左右云見此芒

無夢園集

千四

五

楊子江記蹟

芒不覺百端交集苟未免有情亦復誰能遣此

歷代

小史

大業元年春遷都未成勅內史舍人封德彝於此置宮又勅揚州總管府長史王弘大修江都宮又於楊子造臨江宮內有凝暉殿及諸堂隍十餘所

小史

中

血

公

祜

對

首

二年二月大駕出楊子幸臨江宮大會賜百僚

赤錢於凝暉殿蒲戲爲樂四月勅上工監丞任

洪則開東都漕渠自宮城南承福門分洛水

小史

六年四月帝幸瀧川宮避暑十二月敕開江南  
河自京口直餘杭郡八百餘里水面濶十餘丈  
又擬通龍舟驛宮草頓並足欲東巡會稽

伍胥奔吳追者在後至江上有一漁父乘船知  
伍胥之急乃渡之胥旣渡解劍直百金與父父  
曰楚國之法得伍胥者爵執珪豈徒一劍耶不

受一笑刺船而去

景仰  
撮書

彭蠡小龍顯異至多人人能道之一事最著熙  
寧中王師南征有軍杖數十船泛江而南自離

無夢園集

十四

五

楊子江記蹟

真州卽有一小蛇登船船師識之曰此彭蠡小  
龍也當是來護軍杖耳主典者以潔器薦之蛇  
伏其中船乘便風日棹數百里未嘗有波濤之  
恐不日至洞庭乃蛇附一商人船回南康世傳  
其封域止於洞庭未嘗踰洞庭而南也有司以  
狀聞詔封神爲順濟王遣禮官林希致詔子中  
至祠下焚香畢空中忽有一蛇墜祝肩祝曰  
龍君至矣其重一臂不能勝徐下至几案間首  
如龜不類蛇首也子中致詔意曰使人至此齋

三日然後致祭王受 天子命不可以不齋戒  
蛇受命徑入銀香奩中蟠三日不動祭之日既  
酌酒蛇乃自奩中引首吸之俄出循案行色如  
濕胭脂爛然有光穿一剪綬花過其尾尚赤其  
前已變爲黃矣正如雌黃色又過一花復變爲  
綠如嫩草之色少頃行上屋梁乘紙旛脚以行  
輕若鴻毛倏忽入帳中遂不見明日子中還蛇  
在船後送之踰彭蠡而回此龍常遊舟楫間與  
常蛇無辨但蛇行必蜿蜒而此乃直行江人常

無夢園集

千四

五  
楊子江記蹟

以此辨之 夢溪筆談

釋名曰江公也小水流入其中所公共也

說文曰江水出蜀湔氏徼外岷山 又曰江會

稽郡爲浙江

尚書曰岷山導江東別爲沱

毛詩曰江有沱江有汜 又曰滔滔江漢南國

之紀

春秋元命苞曰牛女爲江湖江湖者所以開神

潤化故其氣遶急

謝承後漢書曰、吳郡沈豐爲郡主簿、太守第五  
倫母老不能之官、倫每至臘節常感戀垂泣、遣  
豐迎母廣陵、母見大江畏水不敢渡、豐祭神令  
子孫對母飲酒、因醉臥便渡、

續漢書曰、張禹拜揚州刺史、當過江行部中、土  
人皆以江有子胥之神、難于濟涉、禹厲聲言曰、  
子胥其如有靈、知吾志在理察、枉訟豈危我哉、  
遂鼓而過、

魏志文帝伐吳、至長江而歎曰、天固以限南北

也、  
無夢園集 千四

美 楊子江記蹟

晉書祖逖北渡江、中流誓曰、逖不靜中原而復  
濟者、有如大江、又曰、吳猛年四十、邑人丁義  
始授神方、因還豫章、江波甚急、猛不假舟楫、以  
白羽扇畫水而渡、又曰、王濬有奇畧、武帝謀  
伐吳、詔濬造船于蜀、其木枅蔽江而下、又曰、  
陶侃語人曰、大禹聖人、乃惜寸陰、至于衆人、當  
惜分陰、參佐以戲廢事者、乃取蒲博之具、悉投

于江、  
太平御覽

孫卿子曰、子路盛服見孔子、孔子曰、由是檐檐者何也、夫江出于岷山、其始由源可以濫觴、及其至江之津也、不方舟不避風、不可涉、非爲下流大耶、今汝衣服旣盛、顏色充盈、天下且孰肯諫汝乎、

三十國春秋曰、劉裕次山陽、聞何無忌敗績、卷甲兼行、將濟江、而風急、衆咸難之、裕曰、若有天命、風當自息、如其天不助、舟覆溺、何足可怪、卽命登舟、舟移而風止、

無夢園集

千四

五七 楊子江記蹟

重覽吳地記曰、夫差立子胥以忠諫見、王遂賜死、浮尸于江、夫差悔焉、與羣臣于江設祭、列仙傳曰、江妃二女遊于江濱、逢鄭交甫、遂解佩與交甫受佩而去、去數十步、懷中無佩、女亦不見、

列女傳曰、楚昭王貞姜者、昭王夫人齊女也、王出遊、留夫人漸臺、江水至、遣使者迎夫人、亡持符、夫人曰、王與宮人約、詔必以符、今使者不持符、妾不敢行、於是使者返取符、未還臺已壞、沈

水而死

論衡曰。儒書言伍子胥恨吳王。驅水爲濤而溺殺。今會稽錢唐丹徒江皆立子胥祠。欲止其濤也。

袁山松宜都記曰。大江清濁分流。其本十丈見底。視魚遊如乘空淺處。多五色石。

新序曰。禹南濟於江。黃龍負舟。舟中之人失色。禹仰視天而歎曰。吾受命于天。死生命也。龍弭耳而逃。

無夢園集

千四

癸

吳錄曰。步騭表言北降人說北多作囊欲以盛沙塞大江。吳主曰。此曹必不敢來。若不如孤言。當以牛千頭爲君作主人。後見呂岱說騭言北欲囊塞江。輒失笑曰。此江自開闢以來。寧可以囊塞乎。

風俗通曰。江貢也。所出珍物可貢獻也。

荊州記云。江出岷山。其源如甕口。可以濫觴。在益州建寧漏江縣。潛行地底數里。至楚都遂廣

十里。太平御覽



傅子曰：江海所以能爲百谷王者，以其不逆之。苟有所逆，衆流不至多矣。

有人泊舟采石，夜聞鬼哭，旣而若謳吟者，達旦大書一詩。沙上云：長鯨吹浪海天昏，兄弟同時弔屈原。千古不消魚腹恨，一家誰識鴈行冤。紅妝少婦空臨鏡，白髮慈親尚倚門。采石江邊腸斷處，一輪明月照雙魂。讀之亦可憐哉。蓬軒吳記

晉書郡州志曰：西晉愍懷之亂，琅邪王出鎮揚州，因渡江南北。金陵建大業，衣冠禮樂而都邑。

無夢園集

千四

五九

楊子江記讀

民並隨渡江，從北地當塗來江南，自東晉始也。

晉中興書曰：元帝渡江，歲鎮辰太白等四星聚于牛女間。禹時鈞命決曰：星累累若貫珠，炳煥如連璧。帝命驗曰：有人雄起，載玉英履赤矛。鄭玄注曰：赤矛，瑞星名。

輿地志曰：伍子胥叛楚，出關于江上，求渡于漁

父。漁父歌曰：灼灼兮，侵已私；與子期兮，蘆之崎。

子胥旣渡，解劍與之曰：勿令其露。漁父知意，遂

覆舟而死。

吳志曰魏文帝出度陵望大江曰彼有人焉未可圖也乃還

世說曰過江諸人每至暇日輒相要出新亭籍卉飲宴周顛在亭而歎風景不殊舉目有江河之異皆相視流淚惟丞相愀然變色曰當共戮力王室克復神州何至作楚囚相對泣耶

有客行貨金陵舟抵上新河口覓漿船入城舟人見客孤身適風雨驟至故逗遛不進薄暮纔至水西門門闔止宿城下夜竟殺客沉于江盡

無夢園集

千四

李

楊子江記蹟

得所有遂富棄舟不操逾年生一子甚愛甫弱冠家業蕩廢殆盡父或出一戒訓語輒被毆詈惟飲泣而已隣家不平嗾之訟曰吾兒稚耳隣有術士能以乩召仙所言甚驗往拜曰吾兒不事生業且悖逆有修改時否仙附乩書曰六月初三風雨惡揚子江頭一著錯汝兒便是搭船人請君自把心頭摸悚懼而退不數日憂鬱死金陵陶文靖爲言之

楊脩吉蓮軒吳記

搜神記曰有物處于江水其名曰蜮一曰短狐

能含沙射人、以術方抑之、則得沙石于肉中、  
潤州一監征與務胥盜官錢、皆藏之胥家、約曰、  
官滿分以裝我、胥僞諾之、既代去、不與一錢、監  
征不敢索、悒悒渡楊子江、竟死于維揚、胥得全  
賄遂富、告歸治田宅、是年妻孕、如見監征、褰帷  
而入、卽誕子、甚慧、長喜讀書、使之就學、二十歲  
登第、胥大喜、盡鬻其產、挈家至京師、爲桂玉費、  
其子調官南下、已匱乏、至中途、子病、罄所餘、召  
醫、及維揚而死、胥無所歸、旅寓貧索、無聊亦死、

無黃六園集

千四

李 楊子江記蹟

朱或  
可談

沈括存中入翰苑、出塞垣、爲聞人、晚娶張氏、悍  
虐存中、不能制、時被箠罵、捽鬚墮地、兒女號泣  
而拾之、鬚上有血肉者、又相與號慟、張終不恕、  
余仲姊嫁其子清直、張出也、存中長子博毅前  
室兒、張逐出之、存中時往賙給、張知輒怒、因誣  
長子凶逆、暗昧事存中、責安置秀州、張時時步  
入府中、訴其夫子家人輩、徒跣從勸于道、先公  
聞之、頗憐仲子、乃奪之歸宗、存中投閑十餘年、

紹聖初復官領宮祠張忽病死人皆爲存中賀而存中自張亡恍惚不安船過楊子江遂欲墮水左右挽持之得無患未幾不祿或疑存中平日爲張所苦又在患難方幸相脫乃爾何耶余以謂此婦妬暴非碌碌者雖死魂魄猶有憑籍

談可  
江州刺史張又新煎茶水記

故刑部侍郎劉公諱伯芻于又新丈人行也爲學精博頗有風鑒稱較水之與茶宜者凡七等

無夢園集 千四

三 楊子江記蹟

楊子江南零水第一

無錫惠山寺石水第二

蘇州虎丘寺石水第三

丹陽縣觀音寺水第四

揚州大明寺水第五

吳松水第六

淮水最下第七

斯七水予嘗俱瓶于舟中親挹而比之誠如其說也客有熟于兩浙者言搜訪未盡予嘗志之

及刺朶嘉過桐廬江至巖子瀨溪色至清水味甚冷家人輩用陳黑壞茶潑之皆至芳香又以煎佳茶不可名其鮮馥也又愈于楊子南零殊遠及至朶嘉取仙巖瀑布用之亦不下南零以是知客之說誠哉信矣

廬山康王谷水簾水第一

無錫縣惠山寺石泉水第二

蘄州蘭溪石下水第三

峽州扇子山下有石窅然洩水獨清冷狀如

無夢園集

千四

李

楊子江記蹟

龜形俗云蝦蟆口水第四

蘇州虎丘寺石泉水第五

廬山招賢寺下方橋潭水第六

揚子江南零水第七

洪州西山西東瀑布水第八

唐州栢巖縣淮水源第九

廬州龍池山顧水第十

丹陽縣觀音寺水第十一

揚州大明寺水第十二

漢江金州上游中零水第十三水苦

歸州玉虛洞下香溪水第十四

商州武關西洛水第十五 未嘗泥

吳松江水第十六

天台山西南峯千丈瀑布水第十七

彬州圓泉水第十八

桐廬嚴陵灘水第十九

雪水第二十 用雪不可太冷

此二十水余嘗試之非繫茶之精粗過此不之

無夢園集 于四

李西 楊子江記蹟

知也夫茶烹于所產處無不佳也蓋水土之宜

離其處水功其半然善烹潔器全其功也李寘

諸筍焉遇有言茶者即示之又新刺九江有客

李滂門生劉魯封言嘗見說余醒然思往歲僧

室獲是書因盡篋書在焉古人云瀉水置瓶中

焉能辨淄澠此言必不可判也 百川學海

維揚之擾衣冠皆南渡王邦憲客宛陵與其鄉

人相遇作集句云楊子江頭楊柳春衣冠南渡

多崩奔柳條弄色不忍見東西南北更堪論誰

謂他鄉各異縣，豈知流落復相見。青春作伴好還鄉，爲問南淮米貴賤。其敘事有情致，爲可喜。近時集句初未有也。竹坡詩話

晉毛寶時年十二歲，戲行于江口，見漁人釣一白龜，寶以錢贖之，放之江中。後二十餘年，寶守邾城，與石虎將軍交戰，戰敗投江，脚如踏石，渡寶至岬，回首視之，乃昔時所放白龜也。長四尺餘，廻至中流，猶反顧，有不忍捨去之意。善誘文

趙靜齋淮被執于溧陽豐登莊，至北府辭家廟

無夢園集

千四

奎

楊子江記蹟

云：祖父有功王室，德澤霑及子孫。今淮計窮，被執，誓以一死報君。刀鋸置之，不問萬折忠義常存。急告先靈，速引庶幾不辱家門。卽登掉船，發至瓜洲，被刑。無有敢埋其屍者。有一寵姬在焦僉省處，此姬啓僉省云：趙四知府今日已死矣。妾元是他婢子，望相公以妾之故，許妾將屍焚化也。是相公一段陰騭事。焦許之，乃作一棺焚之。又啓收骨撒之于水，亦從之。遂以裙盛骨，殮到江邊，大慟投江而死。又聞其孫享祭，靜齋降

筆云生居四代將門家不幸遭逢被虜斃死在瓜洲無葬地幽魂夜夜到長沙其兄冰壺潛自京口遷金陵北兵至棄家而逃南徙不返死葬海旁山上山房隨筆

吉州龍興觀前大江數夜居人聞江水風浪之聲至旦有漁者見江心有一紅旗水上流下漁者棹小舟往接取之則見金鱗光耀波濤洶湧漁者急迴始知蒲牢鬪傷江龍玉堂閒話

段文昌從弟某者貞元末自信安還洛暮達瓜

無夢園集

千四

六

楊子江記蹟

洲宿于舟中夜久彈琴忽外有嗟歎聲止息即無如此數四乃緩軫還寢夢一女年二十餘形悴衣敗前拜曰妾姓鄭名瓊羅本居丹徒父母早亡依于媼嫂嫂不幸又沒遂來楊子尋姨夜至逆旅市吏子王惟舉乘醉將逼辱妾知不免因以領巾絞頸自殺市吏子乃潛埋妾于漁行西渠中其夕再見夢于楊子令石義竟不爲理復見冤氣于江石尚謂非烟之祥圖而表奏抱恨四十年無人爲雪妾父母俱善琴適聽君琴



聲奇弄翁響不覺來此尋至洛北河清縣溫谷  
訪內弟樊元則少有異術居數日忽曰兄安得  
一女鬼相隨請言遣之乃張燈焚香作法頃之  
燈後窅窅有聲元則曰是請紙筆也卽投紙筆  
于燈影中少頃旅紙疾落燈前視之書盈于幅  
書若雜言七字辭甚悽恨元則遽令錄之言鬼  
書不久輒漫滅及曉紙上若煤污無復字也元  
則復令具酒脯紙錢乘昏焚于道有風旋灰直  
上數尺及聞悲泣聲詩凡二百六十二字率敘  
幽冤之意語不甚曉詞故不載其中二十八字  
曰痛填心兮不能語寸斷腸兮訴何處春生萬  
物妾不生更恨香魂不相遇

酉陽雜俎

舟師始于吳越惟曹劉赤壁爲大戰南北分境  
仗以防江建炎南渡始有防海之說沈與求言  
虜造海舟慮爲虛聲以懼我議者多欲于明州  
向頭設備聞海舟自京東入海必由泰州港口  
通州料角東則通明鎮等次至平江而北洋次  
至金山次至向頭料角水勢湍險一失水道舟

必淪溺得沙上水手方轉料胡人捨馬不能有所爲一舟容幾馬可謂至當之論

戴氏鼠璞

江中魚化爲蝗而食五穀者百歲爲鼠

述異記

裴慶餘佐李公淮南幕嘗遊江舟子刺船篙濺水溼近坐公色變慶餘作詩曰滿額鵝黃金縷  
永翠翹浮動玉釵垂從教水濺羅衣溼知道巫  
山行雨歸

撫言

唐彭博通者河間人也身長八尺曾于講堂堦  
上臨堦而立取鞋一輛以臂夾令有力者後拔

無夢園集

千四

矣

楊子江記讀

之鞋底中斷博通腳終不移牛駕車正走博通  
倒曳車尾却行數十步橫拔車轍深二尺皆縱  
橫破裂曾遊瓜步江有急風張帆博通捉尾纜  
挽之不進

朝野僉載

昔真州一巨商每歲販鬻至杭時有挾姑布子  
之術曰鬼眼者設肆省前言皆奇中故門常如  
市商方坐下坐忽指之曰公大富人也惜乎中  
秋前後三日內數不可逃商懼卽戒程時八月  
之初舟次楊子江見江濱一婦仰天大號商問

焉。答曰：妾之夫作小經紀，止有本錢五十緡。每買鷄鵝過江貨賣，歸則計本于妾。然後持贏息易柴米，餘貲盡付酒家，率以爲常。今妾偶遺失所畱本錢，非惟飲食之計無所措，亦必被箠死。寧自沉。商聞之，歎曰：我今厄于命，設令鑄金可代我無虞矣。彼乃自天其生，哀哉。亟贈錢一百緡。婦感謝去。商至家，具以鬼眼之言告父母，且與親戚故舊敘。永訣閉戶待盡。父母親故宛轉寬解，終弗自悟。踰期無他，故復之。杭舟阻風，偶泊。向時贈錢處登岸，散適此婦。襁負嬰孩，遇諸道。迎拜且告曰：自蒙恩府持拯，數日後乃產。母子二人沒齒感再生之賜者，豈敢忘哉。商至杭，便過鬼眼所驚，顧曰：公中秋胡不死，乃詳觀形色而笑曰：公陰德所致，必曾救一老陰少陽之命矣。商異其術，捐錢若干以報之。

輟耕錄

太祖初渡江，御舟瀕危，得一檣，以免。令樹此檣于一舟而祭之，遂爲常制。今在京城清涼門外，已逾百四十年矣。有司歲修祀，給一兵世守之。

歷代  
小史

居舟傍免其餘役。或云卽當時操舟兵之後也。  
劉導字仁成沛國人。梁真簡先生獻三從姪。父  
蹇。梁左衛率導好學篤志專勤經籍慕晉關康  
曾隱京口與同志李士烟同宴于時秦江初霽  
共歎金陵皆傷興廢俄聞松間數女子笑聲乃  
見一青衣女童立導之前曰館娃宮歸路經此  
聞君志道高閒欲冀少畱願垂顧盼語訖二女  
已至容質甚異皆如仙者衣紅紫綃縠馨香襲

無夢園集

千四

七

楊子江記蹟

人俱年二十餘導與士烟不覺起拜謂曰人間  
下俗何降神仙二女相視而笑曰住爾輕言願  
從容以陳幽抱導揖就席謂曰塵濁酒不可以  
進二女笑曰旣來敘會敢不同觴衣紅綃者西  
施也謂導曰適自廣陵渡江而至殆不可堪深  
願思飲焉衣紫綃者夷光也謂導曰同官三妹  
久曠深幽與妾此行蓋謂君子導與夷光曰夫  
人之姊固爲導匹乃指士烟曰此夫人之偶也  
夷光大笑而熟視之西施曰李郎風儀亦足相

匹夷光曰阿婦無容貌豈得動人合座喧笑俱起就寢臨曉請去尚未天明西施謂導曰妾本浣紗之女吳王之姬君固知之矣爲越所遷妾落他人之手吳王沒後復居故國今吳王已薨不任妾等夷光是越王之女越皆貢吳王者妾與夷光相愛坐則同席出則同車今者之行亦因緣會言訖惘然導與士烟深感恨聞京口曉鐘各執手曰後會無期西施以寶鈿一隻畱與導夷光拆裙珠一雙亦贈士烟言訖共乘寶車去如風雨音猶在耳頃刻無見時梁武帝天監十一年七月也

出窮怪錄

無夢園集

千四

又七

楊子江記蹟

大兵渡江賈似道卽出檄書播告中外曰洪惟藝祖肇造我邦至于高宗爰宅吳會以仁守國以德配天未嘗行一不義殺一不辜可以質諸無疑證諸不悖理宗四十一年忠厚之澤著于生民先帝一十載恭儉之心何負天下不念元溫羣從上受卵翼之恩李陵一門初無毫髮之損國家厄運一至于此人心忠義夫豈無之太

皇后七褻之聖躬。今天子孤孳之冲質。在人情猶知恤鄉鄰之老幼。豈臣子忍坐視君父之阽危。寧無邦國忠臣。亦有兩河豪傑。共合唱義之旅。載馳勤王之師。如陶士行慷慨之征。申張魏公忠赤之志。救日之弓。救月之矢。便直指于旌旗。如礪之山。如帶之河。尚永堅于盟誓。檄到諸路。咸使聞知。三朝野史

嚴泰江行逢漁舟問之。云有龜五十頭。泰用錢十千贖放之。行數十步。漁舟乃覆。其夕乃有五

無夢園集

千四

五

楊子江記蹟

十人詣泰門。告其父母曰。賢郎附錢五十千。可領之。緡皆沾溼。父母怪之。及泰歸。乃說贖龜之異。閒窻括異志

瓜村有漁人妻。得勞疾。轉相染著。死者數人。或云。取病者生釘棺中棄之。其病可絕。頃之。其女病。卽生釘棺中。流之于江。至金山。有漁人見而異之。引之至。坼開視之。見女子猶活。因取置漁舍。每多得鰻鯿魚。以食之。久之。病愈。遂爲漁人之妻。今尚無恙。稽神錄

王恭欲請江盧奴斂爲長使晨往詣江江猶在帳中王坐不敢卽言良久乃得及江不應直喚人取酒自飲一盃又不與王王且笑且言那得獨飲江云卿亦復須邪更使酌與王王飲酒畢因得自解去未出戶江歎曰人自量固爲難

歷代

小史

元帝過江猶好酒王茂弘與帝有舊常流涕諫帝許之命酌酒一斟從是遂斷

小史

愍度道人始欲過江與一僮道人爲侶謀曰用

無夢園集

千四

十一

楊子江記蹟

舊義往江東恐不辦得食便共立心無義旣而此道人不成就愍度果講義積年後有僮人來先道人寄語云爲我致意愍度無義那可立治此計權救饑爾無爲遂負如來也

小史

蔡司徒渡江見彭蠡大喜曰蟹有八足加以二螯令烹之旣食吐下委頓方知非蟹後向謝仁

祖說此事謝曰卿讀爾雅不熟幾爲勸學死

小史

唐王令望少持金剛經還邛州臨溪路極險阻忽遇猛獸振怖非常急念真經猛獸熟視曳尾

而去流涎滿地曾任安州判司過楊子江夜風  
暴起租船數百艘相接盡沒唯令望船獨全後  
終亳州譙令

報應記

晉周昉少時與商人沂江俱行夕止宮亭廟下  
同侶相語誰能入廟中宿昉性膽果決因上廟  
宿竟夕晏然晨起廟中見有白髮老翁昉遂擒  
之化爲雄鴨昉捉還船欲烹之因而飛去

述異記

宣城郡當塗民有劉成者李暉者俱不識農事  
嘗用巨舫載魚蟹鬻于吳越間唐天寶十三年

無夢園集

千四

三

楊子江記蹟

春三月皆自新安江載往丹陽郡行至下查浦  
去宣城四十里會天暮泊舟二人俱登陸時李  
暉往浦岍村舍中獨劉成在江上四顧雲島間  
無人跡忽聞舫中有連呼阿彌陀佛者聲甚厲  
成驚而視之見一大魚自舫中振鬚搖首人聲  
而呼阿彌陀佛焉成且懼且悚毛髮盡動卽匿  
身蘆中以俟之俄而舫中萬魚俱跳躍呼佛聲  
震地成大恐遽登舫盡投羣魚于江中有頃而  
李暉至成具以告暉暉怒曰豎子安得爲妖妄



乎唾而罵詈且久成無以自白卽用衣資酬其直既而餘百錢易菘草十餘束致于岍明日遷于舫中忽覺重不可舉解而視之得緡十五千簽題云歸汝魚直成益奇之是日于瓜洲會羣僧食併以緡施焉時有萬莊者自涇陽令退居瓜洲備得其事傳于紀述

宣室志

采石江口李太白墓在焉往來題詠殆遍有詩一絕云采石江頭一抔土李白詩名耀今古來的去的題兩行魯班面前掉花斧後人見之從

無夢園集

于四

古

楊子江記蹟

此絕題

西樵野記

餘姚儒士張幹甫處塾于江北弘治庚申清明日歸家舟宿建業客中落寞吟曰節物催人到客邊江南風景迥堪憐魚兒池館新生水燕子人家又禁烟幾片落花寒食後數株高柳夕陽前春衫曉試香羅雪駿馬嬌嘶白玉鞭綠水青山渾似畫煖雲芳草最宜眠松醪有客邀村社麥飯誰家掃墓田自愧道傍楊子宅十年閉戶飄生氈吟訖俄聞狂風大作江水沸騰乃見三

物一者尖首大腹而其體白一者方首多目而其體黑一者長角長股而其體黃捕魚衝浪湧躍而來作人言曰我輩遨遊江海積有年矣惜哉今皆爲廢物也言罷大笑共趨幹甫之舟浪花拍天舟幾覆沒幹甫叱曰吾乃越中儒與汝故無讐隙何故乃爾三物曰吾輩初爲戲君其意實不欲害君也遂相率而沒卒不知其何異也

西樵野記

瑞陽有陳姓者謀殺一販藥商人席卷其資以

無夢園集

千四

七

楊子江記蹟

歸蓋與商之僕共圖之也遂開張藥局遇發賣時每開一裹則有所殺商人之頭在內裹裹皆然陳大驚呼一躍而卒吉州張真元鹽商也泊舟江岬值洪水漂一婦人抱衣厨中江而下大呼求救張以小舟往濟之見厨中皆金帛遂取其金帛復推婦人于水越四年所居爲水所漂一家十餘人皆溺死嗚呼殺人取財人雖未報而天必報也

靈驗記

徐氏名觀妙歷陽人江東曹閔中之女也嫁郡

士張弼建炎已酉虜犯維揚官軍望風輒潰多  
肆虜掠和人大恐弼與隣皆往裕溪避賊獨徐  
氏不去爲亂兵所掠大罵曰朝廷畜汝輩以備  
緩急今虜犯行在不能赴難而乘時爲盜我恨  
一女子力少衰弱不能斬汝寧肯爲汝曹所辱  
以苟活耶賊慚恚以刃刺殺投之江中嗚呼士  
方平時自視霄漢抵掌大言以節義自許一落  
賊手則蠅營狗竊乞一旦之命或出力而助虐  
者多矣徐氏眇然一婦乃能奮不顧死與秋霜

無夢園集

千四

去 楊子江記蹟

烈日爭嚴嗚呼壯哉

今說海

鯢身圓頭匾謂之蛇頭鯢生江中味將鯢魚謂  
之鯢鼻

府志

鮠出江中四月鯢魚盡則入市爾雅鮠大鱧小  
者鮠郭云鱧似鮠而大白色蓋今之鮠魚歟東  
坡詩粉紅石首仍無骨雪白河菴不藥人

府志

大江在城北六里西接上流東注大海北距廣

陵所謂天限南北險過湯池者也

魏文帝有渡江之志黃初

五年秋至廣陵時江水盛漲歎曰魏雖有武騎  
千羣無所用之六年冬又臨江觀兵見波濤洶

湧歎曰固天所以限南北也周世宗問孫思江南虛實對曰長江千里險過湯池可敵十萬之師亦謂之京江水見寰宇記許渾詩吁嗟樓下京江水又謂之京口水圖又謂楊子江張又新清滑又謂之京口水經又謂楊子江水記楊子江南零第一○按長江千里所歷之地各以異名呼之此自廣陵以來謂之揚子江但未審始府志

萬曆辛卯滁州應試五人沉于江屢顯靈異建五英祠祀之越數載同郡應試者出嚙語抵舟至江心風大作幾覆皆墮巾長年云適見黑雲中五位官人將頭巾去客大驚異江上談

無夢園集

千四

三 揚子江記蹟

魴俗名鱖魚張敬兒作六檣船獻齊高帝曰奉槎頭縮項鱖一千八百頭孟浩然詩鳥泊隨陽鴈魚藏縮項鱖又詩試垂竹竿釣果得槎頭鱖杜甫詩復憶襄陽孟浩然清詩妙句盡堪傳卽今耆舊無新語漫釣槎頭縮項鱖習鑿齒襄陽耆舊傳曰漢水中鱖魚甚美禁人捕以槎斷水謂之槎頭鱖今揚子江中鱖絕清美當不殊漢

上耳府志

東坡詩云竹外桃花三兩枝春江水暖鴨先知

萋蒿滿地蘆芽短，正是河豚欲上時。此正是二月景致，是時河豚已盛矣。但欲上之語似乎未穩。若溪漁隱

王元之江豚詞云：江豚江豚爾何物，吐浪噴波身突兀。依憑風水恣豚豪，吞啗魚鰕頗肥腩。肉腥骨硬難登俎，雖有網羅嫌不取。江雲漠漠江雨來，天意爲霖不干汝。事文類聚

李白過采石酒狂入水捉月而死。五侯鯖錄

長江萬里人言出于岷山而不知元從雪山山萬

無夢園集

千四

夫 楊子江記蹟

壑中來山亘三千餘里，特起三峯，其上高寒，多積雪。朝日曜之，遙海晃若銀海。杜子美草堂正當其勝，故其詩曰：窻寒西嶺千秋雪，正是謂也。

陳眉公  
私笈

子胥遇丈人于吳，使人求之江上，則不可得。每食必祭之，祝曰：江上之丈人，天地至大矣，將奚不有名，不可得而聞，身不可得而見。呂氏春秋

余嘗酌中泠，劣于惠山，殊不可解。後考之，乃知陸羽原以廬山谷簾泉爲第一，山疏云：陸羽茶

經言瀑瀉湍急者勿食。今此水瀑瀉湍急無如而乃以爲第一何也。又雪液泉在谷簾泉側山多雲母泉其液也。洪纖如指清冽甘寒遠出谷簾之上乃不得爲第一又何也。太平清話

晉陵曲阿楊晚資財數千萬。三吳人召取直爲商估治生輒得倍直。或行長江卒遇暴風及劫盜者若捉晚銚多獲免。濟晚死後先所埋金悉移去隣人陳家。陳嘗晨起見門外忽有百許萬緡封題是楊晚姓字。然後知財物聚散必由天

無夢園集

千四

七九 楊子江記蹟

運乎

異苑

王濬徵拜右衛將軍除大司農。車騎將軍羊祜雅知濬有奇畧乃密表畱濬。于是重拜益州刺史。武帝謀伐吳詔濬修舟艦。濬乃作大艦連船方百二十步受二千餘人。以木爲城起樓閣開四出門其上得馳馬來往。又畫怪獸于船首以懼江神。舟楫之盛自古未有。太康元年正月濬自成都率巴東監軍廣武將軍唐彬攻吳丹陽。剋之擒其丹陽監盛。吳人于江險磧要害之處

並以鐵鎖橫鎖截之。又作鐵錐長丈餘，暗置江中，以逆拒船。先是羊祜獲吳間諜，具知情狀。濬乃作大筏數千，亦方百餘步，縛草爲人披甲持仗，令善水者以筏先行。筏旣行，遇鐵錐輒著，筏去，又作炬長十餘丈，大數十圍，灌以麻油，在船前，遇鎖燃炬燒之，須臾融液斷絕，于是船無所碍。

吳志

黃初三年，車駕幸宛，使夏侯尚率諸軍與曹真共圍江陵。權將諸葛瑾與尚對江，瑾度入江中

無夢園集

千四

全 楊子江記蹟

渚而分水軍于江中。尚夜分時，油船將步騎萬餘人，于下流潛渡，攻權。諸軍夾江燒其舟船，水陸並攻破之。

魏志

梁朱超舟中望月詩：大江濶千里，孤舟無四隣。唯餘故樓月，遠近必隨人。

山堂肆考

謝尚字仁祖，鎮牛渚。秋夜乘月率爾與左右微服泛江，會袁宏在舫中，誦詩聲旣清雅，詞又藻拔。尚遣問，答曰：是袁臨汝郎誦詩，卽其咏史之作也。尚卽迎近舟與之談論，達旦不寐。注云：臨

汝郎宏父嘗爲臨汝令也宏字彥伯

晉書

白樂天百鍊鏡篇太宗嘗以人爲監監古監今不監容乃知天子別有鏡不是揚州百鍊銅

山堂

肆考

晉賈充渡江謂夏統曰能作卿土地間曲乎統曰國人痛伍子胥忠烈爲小海唱于是以足扣舷引聲清激風起晝暝衆皆恐懼充令妓女盛服金翠繞其舷三匝統若無聞充曰此吳兒木人石心也

隱逸傳

無夢園集

千四

全

楊子江記蹟

唐袁天綱字客師嘗渡江扣舟而還或問故曰船中人鼻下氣皆黑不可以濟俄而一男子跛而負就舟客師曰貴人在吾可以濟矣江中風起幾覆得免跛男子乃婁師德也

山堂肆考

傅玄歌有女殊代生涉江採菱華又郭璞江賦水物怪錯則有玉珧海月土肉石華

山堂肆考

漢建初中張禹拜揚州刺史過江行部中土人皆以江有子胥之神難于濟涉禹厲聲言曰子胥如有靈知吾志在理察枉獄豈危我哉遂鼓



楫而過郡邑深幽之處莫不畢到。山堂肆考

江水始出岷山其源可以濫觴及其至于江津不方舟不避風不可以涉。家語

德至泉則江生大貝。孝經授神器

白樂天諷諫百鍊鏡篇云江心波上舟中鑄五月五日午時書背有九五飛天龍人人呼爲天子鏡予亦嘗有一聯云願儲醫國三年艾不博江心百鍊銅。容齋隨筆

沈珍從姚彪貸鹽彪覆百斛于長江曰明吾不

無夢園集

千四

全 楊子江記蹟

惜鹽惜所與耳。山堂肆考

江豚俗呼爲拜江猪狀似狨鼻中有聲腦上有孔噴水直上出入波浪中見則有風無鱗黑色多脂膏以其腦中有井故又名井魚人取江豚子繫著水中毋自來就而取之其子如鱧魚子數萬爲羣隨母而行。山堂肆考

江上多楓樹故唐詩云青楓江上秋天遠

宋張浚視師江上四方之士莫不傾心健將悍卒見之者必咨嗟太息下至兒童亦知有張都

督每使者至金其國必問浚今何在

今人呼楊子江不知所由名按隋江陽孫有楊  
子宮遂名揚子鎮唐改爲揚子縣後陞爲真州  
治揚子政和七年賜名儀真揚子江之名以此  
楊忠愍有詩曰揚子懷人渡揚子乃以揚子爲  
洋子誤矣御龍子集

無夢翁集

十四

三 楊子江記續

09663

